



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/25-3-40-016-4/21**

Datum: **12.02.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica, «DRVOPROMET - MIŠKOVIĆ» d.o.o. Vitez za donošenje rješenja o vodnoj dozvoli za ispuštanje tehnoloških otpadnih voda sa lokaliteta poslovnog objekta za primarnu preradu drveta u naselju Kruščica, općina Vitez, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev pravnog lica, «DRVOPROMET - MIŠKOVIĆ» d.o.o. Vitez za donošenje rješenja o vodnoj dozvoli za ispuštanje tehnoloških otpadnih voda sa lokaliteta poslovnog objekta za primarnu preradu drveta izgrađenog u naselju Kruščica na zemljištu označenom kao k.č. broj: 98/1, 98/2 i 99 K.O. Kruščica, općina Vitez, s obzirom da za predmetnu aktivnost, a u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog objekta dođe do promjene tehnologije proizvodnje čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Pravno lice, «DRVOPROMET - MIŠKOVIĆ» d.o.o. Vitez, svojim zahtjevom zaprimljenim 20.01.2021. godine, zatražilo je od ove Agencije izdavanje vodne dozvole za ispuštanje tehnoloških otpadnih voda sa lokaliteta poslovnog objekta za primarnu preradu drveta izgrađenog u naselju Kruščica na zemljištu označenom kao k.č. broj: 98/1, 98/2 i 99 K.O. Kruščica, općina Vitez.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji broj: 051-0-Reg-11-001762 izdatog dana 20.02.2012. godine od strane Općinskog suda u Travniku,
- Kopija Rješenja o izmjenama podataka u sudski registar broj: 051-0-Reg-13-000291 izdatog dana 23.05.2013. godine od strane Općinskog suda u Travniku
- Ovjerena kopija Uvjerenja o poreznoj registraciji izdatog dana 16.07.2012. godine od strane Porezne uprave Federacije BiH – Kantonalni porezni ured Novi Travnik,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-upp/1-7784/07 izdatog dana 01.08.2017. godine od strane Uprave za indirektno-neizravno oporezivanje Banja Luka,
- Kopija Rješenja o odobrenju za uporabu broj: UP-02-23-3-1604/00 izdatog dana 08.01.2001. godine od strane Službe opće uprave Općina Vitez,
- Kopija Rješenja o vodnoj dozvoli broj: UP-I/25-3-40-449-4/15 izdatog dana 17.11.2015. godine od strane «Agencije za vodno područje rijeke Save» Sarajevo,

- Kopija Rješenja o vodnoj dozvoli broj: 05-25-417/19 za korištenje vode i ispuštanje sanitarno fekalnih otpadnih voda izdatog dana 27.08.2019. godine od strane Ministarstva poljoprivrede, vodoprivrede i šumarstva Srednjobosanskog kantona,
- Izvedbeni projekat kompleksa pilane urađen od strane «GAMES» d.o.o. Travnik (šifra: P-17/00, april 2000. godine) – na uvid,
- Dokaz o uplaćenju upravnoj i administrativnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog poslovnog objekta u naselju Krušćica i tom prilikom je sačinjen Zapisnik o uviđaju broj: UP-I/25-3-40-016-3/21 od 10.02.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni poslovni objekat izgrađen je u naselju Krušćica na zemljištu označenom kao k.č. broj: 98/1, 98/2 i 99 K.O. Krušćica, općina Vitez.
- Snabdijevanje vodom objekta je obezbijeđeno priključkom na gradski vodovodni sistem. Sanitarno-fekalne otpadne vode se prikupljaju zasebnim kanalizacionim sistemom i odvođe u gradsku kanalizacionu mrežu za što je od strane nadležnog Ministarstva poljoprivrede, vodoprivrede i šumarstva Srednjobosanskog kantona izdat vodni akt.
- Od strane Agencije ranije je doneseno Rješenje o vodnoj dozvoli za predmetni poslovni objekat namjene - primarna prerada drveta čiji je krajnji proizvod drvena građa sa kapacitetom prerade oko 15 m³ oblovene dnevno.
- Prema izjavi predstavnika podnosioca zahtjeva ali i uvidom na licu mjesta utvrđeno da se na predmetnom lokalitetu, u krugu poslovnog objekta, ne vrši prerada drveta odnosno proizvodnja drvene građe. Preduzeće se bavi transportom trupaca do krajnjih kupaca (bez deponovanja i zadržavanja trupaca u krugu kompleksa) te prijemom i obradom (guljenje) okoraka i transportom istih do krajnjih korisnika. U krugu kompleksa nema rasipanja piljevine jer nema ni produkcije iste.
- Oborinske vode sa krovova i uređenih radno-manipulativnih površina kompleksa prikupljaju se sistemom oborinske kanalizacije sa priključkom na gradsku kanalizacionu mrežu.
- Proizvodni proces prerade drveta (obrada okoraka) vrši se bez upotrebe nafte i naftnih derivata, a u samom proizvodnom procesu se ne upotrebljava voda niti nastaju tehnološke otpadne vode kao rezultat tehnološkog postupka, kako je to utvrđeno odredbama člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama.

Kako na predmetnom lokalitetu ne nastaju tehnološke otpadne vode kao rezultat tehnološkog postupka, kao ni oborinske onečišćene vode, te iz naprijed navedenih razloga, a u skladu s odredbama člana 123. i 218. stav (2), a u vezi sa članom 14. Zakona o upravnom postupku te člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije, riješeno je kao u dispozitivu ovoga Zaključka.

Podnosilac zahtjeva je uplatio i posebne troškove shodno Zaključku ove Agencije broj: UP-I/25-3-40-016-2/21 od 04.02.2021. godine.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.



Po ovlaštenju
Rukovodilac sektora za izdavanje vodnih akata

Haris Ališehović
Haris Ališehović, dipl.ing.građ.

Dostaviti:

- «DRVOPROMET - MIŠKOVIĆ» d.o.o. Vitez
Kruščica br 42, 72250 Vitez
- AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava